

四庫全書

史部

欽定四庫全書

史部

欽定八旗通志卷

五十三至
五十五

欽定四庫全書

欽定八旗通志卷五十三

職官志十二

公式

加級隨帶

陞任各官并滿洲侍衛等官補放綠營查係陞任者原任內所有軍功加級准其隨帶其曾經奉旨賞給隨帶之級并議敘及捐納所加之級原有隨帶

字樣者仍准隨帶其餘一切加級俱改為紀錄一次如對品補授之官所有一應加級均准帶於新任

世職所得加級後經補授職任官其職任品級與世職相等或較小於世職者俱准隨帶若職任品級較大於世職者查明應隨帶者准其隨帶應改紀錄者改為紀錄至職任所得加級後經承襲世職無論職任兼與不兼若世職品級與職任相等

或較小於職任者俱准隨帶若世職品級較大於
職任者查明應隨帶者准其隨帶應改紀錄者改
為紀錄其佐領所得加級後陞叅領以上等官雖
仍兼佐領者亦將加級查明應隨帶者准其隨帶
應改紀錄者改為紀錄

佐領補放副叅領驍騎校補放印房章京俱係揀
選引

見奉

旨補放之員品級雖屬相當實係陞任其任內尋常加級於補放後照例咨部改為紀錄

加級准改紀錄

內外旗員遇有罰俸案件除原有紀錄准其抵銷外若任內有議敘加級願改為紀錄抵銷罰俸者准其呈明咨部每級改為紀錄四次照數抵銷其抵銷所剩紀錄遇陞任時查係隨帶之級所改者仍准隨帶不係隨帶之級所改者在任時抵銷過

一次二次或三次者槩行註銷若所改紀錄並未抵銷罰俸准其將紀錄一次帶於新任其一人而加數級者如遇議處案件按伊加級年月先後次第抵銷至

覃恩所加之級不准改抵

軍功加級紀錄抵銷

官員因公註誤遇有議處之案應降一級者以加一級或紀錄四次抵銷罰俸一年者以紀錄二次

抵銷罰俸六個月者以紀錄一次抵銷如係軍功紀錄二次准其抵銷降一級紀錄一次准其抵銷罰俸一年如遇有罰俸六個月之案將軍功紀錄一次抵銷免其罰俸仍給還尋常紀錄一次軍功加一級准其抵銷降二級如遇有降一級調用之案將軍功加一級抵銷免其降調仍給還軍功紀錄二次有即陞及卓異加一級者亦准抵銷降一級其例不准抵銷并因私罪議處不准抵銷之加

級紀錄并不敷抵銷之紀錄准其隨帶先有即陞
卓異加級俱不准隨帶如議處官員內任內有軍
功等項并隨帶加級紀錄及尋常加級紀錄例准
抵銷者兵部於議處時查明將該員尋常之加級
紀錄分別先後先行抵銷至軍政處分各官雖任
內先有即陞卓異加級不准抵銷亦不准隨帶若
軍功加級紀錄及別項加級紀錄不准抵銷仍准
隨帶再議處拖欠錢糧官員如有軍功及錢糧全

完加級紀錄者准其抵銷別項加級紀錄俱不准抵銷

紀錄抵銷

內外旗員緣事罰俸一個月至五個月不至銷去紀錄一次者俱准註於紀錄再遇罰俸合計抵銷如任內有紀錄四次又有罰俸一個月至五個月註抵者遇因公降級處分仍准其紀錄四次抵銷降一級其前議罰俸註抵銀兩補行實罰如因犯

私罪議處者一槩不准抵銷

降級留任准抵銷

雍正三年九月奉

上諭朕體恤臣工凡官員辦事著有勞績者無論大小俱
勅部議敘其有過誤致干吏議者亦照例處分夫一人
之身有功有過一官之級有降有加舊例官員降級留
任停其陞轉必三年無過方准開復降後雖有恩詔加
級不准抵銷殊非以功補過開人自新之義嗣後降級

留任官員遇有恩詔及議敘加級俱准以加一級抵銷降一級庶人皆奮勵勉圖後效亦鼓舞吏治之一道也至降級後捐納加級者不得抵銷前案特諭欽此

乾隆五十三年十一月奉

上諭內務府奏請員外郎廷標等循例開復一摺又議處副闕防董濬照向例將降調處分改為罰俸一摺此例因國初年間內務府人數本少職事較多是以定例遇有降調處分俱係改為罰俸免其降調今內

務府生齒日繁堪以當差者本不乏人其議處各員除奉特旨留任外自應照部院衙門之例按其情節輕重分別實降抵銷以示公允嗣後議處內務府官員著查照吏部處分則例辦理其從前改為罰俸之例即行停止除廷標等五員降調之案業已四年期滿仍准開復外所有董濬一員即照此例辦理欽此

親王郡王等降級

乾隆五十六年五月奉

上諭向來定例兼將軍副都統之宗室王公等遇有案件應與同事大臣降調者每降一級俱加倍罰該管職任俸四年抵銷第念因一案將同事大臣等俱行實降王公等僅於兼管職任內罰俸抵銷並不降級仍行留任未免於宗室王公等稍有袒護殊未平允本日因偷盜內庫銀兩一事業經降旨將崇尚斌寧所兼職任俱行實降著交宗人府及該部嗣後凡兼職任之宗室王公等遇有案件應與同事大臣降級

調用者均著照此次之例將宗室王公等所兼職任
實行議降其加倍罰俸抵銷之例著即停止況所降
者僅兼任之級於伊等承襲原爵殊無干涉欽此

辦理

陵寢事務貝子公等罰俸分別公私

乾隆四十三年三月奉

旨管理宗人府旗務之王公等遇有罰俸案件如係私
罪均罰王公俸若係公罪俱各罰職任俸其辦理

陵寢事務之貝子公等雖無兼銜亦係在大臣分上辦事
理應照依管理宗人府旗務王公之例辦理嗣後辦
理

陵寢事務之貝子公等若因私罪罰俸仍罰伊等貝子公
俸外如係公罪即照罰都統職任俸在伊等俸祿內
坐扣將此著為例欽此

旗員降級

八旗職任官緣事應降級留任者按所降幾級即

降俸幾級應降級調用者各按品級遞降內務府
所屬職任官應降級調用者每一級加罰俸一年
免其降調降級多者照此遞增世職官緣事應降
級留任者亦按所降之級降俸應降級調用者每
一級以罰世職半俸三年議抵降級多者照此遞
增罰俸未完不准陞轉如世職兼職任所犯在職
任者不論世職大小俱就職任議處不由職任所
犯世職大即就世職議處職任大即就職任議處

議處侍衛

乾隆元年七月奉

旨嗣後侍衛等差使遇有議處事件著領侍衛內大臣
即行議奏欽此

議處世職

父祖所得世職承襲之子孫緣事應革職者即行
議革查明應襲之人奏請承襲至本身出征因公
所得世職有犯賭博宿娼枷號以上之罪者將世

職黜革雖有襲次不准承襲其餘所犯之罪應革職者免其黜革永停半俸俟伊身故後子孫仍按次承襲支食全俸其本身効力隨衆所得世職緣事應革職者即行議革雖有襲次不准承襲

議處大小兼銜

正副叅領兼管佐領者因公降革離任係叅領任內之事將叅領議以降革仍留佐領係佐領任內之事將佐領議以降革所兼叅領該管大臣出具

考語另行請

旨其議以降調佐領如屬世襲者按所降級數每一級
罰佐領半俸三年議抵若係公中佐領即行降調
再有兼銜仍留小銜副都統以上等官有兼佐領
者因公降革離任係副都統等官任內之事將副
都統等官議以降革仍留佐領係佐領任內之事
將佐領議以降革所兼副都統等官於本內聲明
請

旨其議以降調佐領如屬世襲者按所降級數每一級
罰佐領半俸三年議抵若係公中佐領即行降調
再有兼銜仍留小銜若因私罪降革毋庸請留兼
攝之任至所兼世職除例內定有專條不准存留
者仍照舊遵行外其餘俱准存留世職外省協領
等官有似此兼管者亦照此例行

議處世職兼文武職任

文武職任官如有貪污行止不端革職者不論何

任事發所兼之官俱行革退應襲官交與該旗查
明應襲之人承襲若因溺職議處者將所兼之世
襲公中佐領及文武職任一併革退其世襲應否
存留之處該旗具奏請

旨至奉

特旨革退各官係由武職內獲罪革退者所兼文職應
去應留該部院具奏請

旨所兼世職佐領該旗具奏請

旨係由文職內獲罪革退者所兼武職世職佐領并止
任武職獲罪革退者所兼世職佐領應去應留該
旗具奏請

旨其文職兼任因公掛誤罪止降革離任者查係何任
內掛誤即由何任內降革武職兼世職官罪止革
職者在武職任內掛誤革其武職仍留世職革職
留任者係由何任議處即停何任之俸所剩之職
尚有餘俸仍行給與降級留任者係由何任議處

即按何任品級扣俸因病具呈者停俸文職俟病痊補缺日給俸若無世職俟病痊具呈日給與世職之俸武職俟病痊隨旗當差日給俸再世職佐領挑選侍衛實因家貧不能行走經領侍衛內大臣奏退侍衛者回旗仍在世職佐領上行走若因怠惰規避行止不端叅革侍衛者將所無之職俱行革退應襲官該旗將應襲之人奏請承襲

議處原任降調

官員陞任後遇原任事發應行降調者如係營私作弊等案情罪重大者俱於原任內議以降調將陞任并所有兼任一併降調係因公掛誤情罪尚輕者於現任內議以降調仍留所兼之任至內外陞任官員尚未引

見遇有原任內因公降革處分叅案到部仍於原任內議處將陞補之處扣除係在引

見之後者即於陞任內議處例有展叅之案照離任官

例議結其毋庸引

見各員並換防屯田軍營出師人員以具題奉

旨之日為斷分別議處至叅案到部遲延將開報遲延

並督催不力各官照遲延例議處如核其發覺日

期在陞任以前而開報在陞任以後者即照規避

例議處

議處記過官員

八旗官員承辦事件不加詳慎致有錯失其情罪

不至特疏叅處者該管大臣記過一次報部存案
俟積至三次該管大臣即行叅奏交部將該員罰
俸三個月

議處出師人員

派往出兵屯種駐劄官員遇有議處之案應罰俸
者准其註冊於事竣之日補行罰俸應降級留任
革職留任者仍按年限開復應降級調用者帶所
降之級仍留軍營効力暫停開缺准照原缺支食

俸餉等項其應行革職者即於議處本內將該員應否開缺准留軍營効力支食半俸或作為兵丁効力之處聲明請

旨以上降革准留軍營効力官員均俟事竣之日該管官將該員出具考語給咨送部引

見請

旨其奉

特旨革職留在軍營効力者亦准其支食半俸至在辦

事處有犯降革並非進勦者不准留營効力若有
錢糧等項未清亦不准回旗

伊犁新疆等處由內地派往換班及屯田各員遇
有降革罰俸等案仍照向例辦理至伊犁烏嚕木
齊巴里坤等處駐防大臣官員遇有處分毋庸註
冊均照內地駐防一例定議

議處軍營派守卡倫人員

乾隆十七年二月奉

上諭兵部議奏將違例私將地畝典與民人之卡倫侍衛佛保應否革職仍令在軍營効力等語佛保係犯罪之員非尋常派出軍營者可比理應於年滿之後多留數年効力贖罪今乃僅將卡倫侍衛佛保議以年滿時令該將軍出具考語帶領引見所議未為詳悉佛保著留軍營俟伊應屆三年期滿後再留三年効力贖罪嗣後如有似此者俱照辦理欽此

伊犁官員罰俸減半坐扣

伊犁駐防滿洲索倫錫伯察哈爾厄魯特部落協領等官因公罰俸照京城護軍校驍騎校例減半坐扣

重款審虛

將軍都統副都統叅劾屬員所叅重款全屬虛罔者照溺職例革職若係該管上司挾嫌誣報將誣報官照此例革職至審案已結事經昭雪例得於本內聲明准其開復或原叅重罪審虛該員尚有

輕罪例應降級罰俸者亦應於本內聲明將原叅革職之案准其開復按其所犯輕罪分別議處倘拘牽斥駁不為題請准本人赴部告理經部查核得實除將本人照例題請開復外將不行題請官照偏袒不公例降二級調用係承審官不詳請開復者照此例降二級調用如所控虛捏不實將本人交刑部照例治罪其或承審之員因原叅已經去任有意審虛使叅員倖圖開復照故出例革職

或原叅重罪全屬虛罔承審官迴護原叅不行審
雪有心鍛鍊照故入例革職并有重款雖已審虛
擄掩一二輕款以實之代原叅掩飾者照徇情例
降二級調用

因公降革

在京武職三品以下五品以上因公降革旗員若
有辦事勤練人材可用任內並無錢糧不清及治
罪之案者該管大臣將該員降革之案咨送都察

院秉公察核如果應行帶領引

見該管大臣出具切實考語保奏帶領引

見其外省駐防因公降革人員內如有辦事勤練人材
可用任內並無錢糧不清及治罪之案者由該將
軍等查明該員降革原案咨送在京該旗轉咨都
察院秉公察核後實係因公者行文該處出具切
實考語保奏仍給咨令赴在京該旗帶領引

見應否去留恭候

欽定非係因公者不必察核至引

見奉

旨仍以原官補用者將現議降革及從前降革留任罰俸等案俱帶於新任引

見時奉

特旨降補者現議本案降革之處分槩行註銷其前任降革留任罰俸等案仍令隨帶其降調候補人員前有降級留任罰俸等案俱帶於降補任內革職

後復行錄用人員將降罰註冊各案帶於新任扣抵

叅處旗員隨案咨送職名加級紀錄考語

武職旗員遇有叅處事件毋論題叅摺奏咨叅各該上司將被議之員有無銜世職卓異即陞加級紀錄於何年月日何任內卓異即陞何項加級紀錄曾否將紀錄於別案註抵罰俸之處分晰聲明倘所叅案內有佐領及驍騎校以下無級可降

等官將佐領是否世襲其無級可降等官平日居官如何考語俱隨案另造妥冊送部至叅後復有事故亦即行補報如有重複錯漏照例議處

武職旗員遇有叅處事件該管大臣將應叅各員職名列入摺內叅奏其不由本旗叅奏必須查取銜銜世職加級紀錄及關係歷任處分一時未及確查者即在摺內聲明於抄送原奏後限十日內將職名補送如應行轉查別旗者接查旗分查明

徑行送部仍按接辦日期照例扣限其步軍統領衙門由部查取職名事件定限五日內咨送至步軍統領衙門稽查倉庫街道大臣叅奏案件一面將職名咨部一面行文該旗查取無銜世職加級紀錄等項徑咨兵部若該管大臣咨送逾違者照遺漏例議處

各省將軍都統副都統駐防等衙門除自行叅奏案件即將職名附列疏內送部其由部查取職名

者總以接奉部咨之日為始定限十日出文咨送如有行查所屬者即按轉查月日若干逐一扣明咨部核定如有逾違其遲延之咎或在上司或由所屬均照事件遲延例分別議處

會議事件

八旗會議事件各該大臣如期齊集分別左右翼按品級列坐詳悉議定於會議之處畫題如越次不整者罰俸一個月其在

內行走不得到班之王大臣該旗章京將到班大臣所定之稿抄寫送閱於三日內畫題送回有應改者亦於三日內送回如無故不即畫題以致事件遲延者照違限例議處若有事入奏未及到班之王大臣於次日齊集補行畫題如託故不到者罰俸一年

應商事件公同會議

乾隆四十二年十月奉

上諭嗣後各旗照例辦理尋常事務由該旗照例辦理
外倘有例外另應商辦之事著前鋒統領護軍統領
等公同會議辦理如此則八旗畫一於事亦有裨益
再八旗俱有肅派御史稽察旗務惟前鋒護軍營並
未派有御史嗣後每翼各派御史二員亦照八旗之
例將前鋒統領護軍統領所辦之事令其稽察著為
令

旗務註銷

在京八旗事件每月二次造具清冊送稽察御史

查核如有逾限遺漏者叅奏照例議處

見事件遲延造冊遺

漏例內若承辦官將未完事件驟稱完結註銷者罰

俸三個月

清字兼行

內務府八旗等衙門有清字事件知照外省由部轉行者轉行衙門譯漢并將原文一併知照如係摺奏案件奉有

諭旨及案內叙有舊奉

諭旨由部移送軍機處譯漢兼行

內務府八旗等衙門有徑行知照外省總督巡撫
提督總兵官事件如係奉有清字

諭旨由該衙門抄送軍機處譯漢兼行其餘清字事件
該衙門自行譯漢兼行至漢字

上諭各該處俱抄送軍機處交繙書房繙清兼行

補官定限

公中佐領出缺限二十日辨結奏請補放勲舊佐
領世管佐領出缺限二十日辨結奏請補放倘限
內不能完結先行遴員奏請署理承襲內外世職
俱限於歲底辨結奏請補放前鋒叅領護軍叅領
驍騎叅領副前鋒叅領副護軍叅領副驍騎叅領
前鋒侍衛前鋒校親軍校護軍校驍騎校及步軍
統領所屬各官出缺限二十日辨結奏請補放終
養告病丁憂等事回旗例應引

見人員限二十日內具奏引

見完結各省駐防各官出缺來京者俱以人文到日起
限二十日辨結奏請補放若實不能依限完結者
均准其聲明緣由各於原限之外寬限十日有行
查調取等事不能依限完結者將情由知會稽察
御史查核仍速行辨結註銷如任意遲延各按違
限日期議處

事件遲延

八旗易結事件總限二十日內叅領佐領各分限
十日如各叅領佐領會行查辦事件二十日限內
實不能完結聲明緣由寬限十日至補放內外官
員有應限二十日或三十日者若不能依限完結
亦准其聲明緣由或寬限十日有行查調取及臨
期患病服制等項事故聲明情由知會稽察衙門
查核世職缺出統於歲底繕造家譜具奏襲替如
有爭告應行查辦及有患病服制事故歲底不及

襲替者均於次年歲底查明具奏承襲如懸缺至
次年歲底不行具奏襲替者將該旗大臣官員查
叅議處

官員承辦事件限外遲延不結一日以上者罰俸
一個月十日以上者罰俸三個月二十日以上者
罰俸六個月三十日以上者罰俸一年若佐領下
承辦遲延將佐領驍騎校照承辦官例議處佐領
等罰俸一個月者領催鞭一十佐領等罰俸三個

月者領催鞭三十佐領等罰俸六個月者領催鞭四十佐領等罰俸一年者領催鞭五十都統副都統於屬員逾限事件自行查叅者免議若逾限不行查叅經別衙門叅奏如承辦官罰俸一個月者都統副都統免議承辦官罰俸三個月者都統副都統罰俸一個月承辦官罰俸六個月者都統副都統罰俸三個月承辦官罰俸一年者都統副都統罰俸六個月

事件遲延該都統等叅奏者即於摺內將遲延官職名開明別衙門叅奏者兵部查取職名時該都統等據實查明何官遲延將職名開送議處

在京八旗各營及提督衙門如有文移到部未能明晰經部駁查者以十日為限咨覆到部如有遲延查叅議處至各省駐防將軍都統副都統及新疆各處辦事大臣遇有承辦緊要案件限一月完結其奉部駁查事件以文到日為始近在同城本

處可以查覆者聲明程途遠近扣除限期外限一月內出咨送部如有遲延逾限或在駢咨本處或在所屬俱隨案附叅嚴行查議

辦事無過議敘

八旗印房總辦俸餉檔房及叅領處彙辦事件一年內並無逾限遺漏將承辦之員紀錄一次其一佐領下事務三年內並無逾限遺漏將該佐領驍騎校紀錄一次該都統等給與紀錄號紙於歲底

奏

聞咨明兵部存案如叅領等官兼管兼署佐領者三年
無過一體准予紀錄至該領催承辦佐領下事務
三年內並無逾限遺漏應給紀錄之處該旗註冊
於歲底造冊咨部存案俟補官日按次給與紀錄
號紙附入現年應請紀錄官員摺內聲明奏
聞若未得官之日犯有過誤將註冊紀錄抵銷

駐防事件限期

盛京等省駐防

欽奉事件於文到日限四個月內完結通行事件如係
一城一旗限三個月各城各旗易結者限四個月
難結者限六個月在各司可以核定聲覆者限一
個月題咨完結如有逾限照事件遲延例分別議
處

新疆大臣官員辦理登答造銷錢糧冊籍等案件
如係乾隆三十年以前俱於奉文之日為始伊犁

烏什烏魯木齊限十個月咨覆塔爾巴哈臺葉爾
羌喀什噶爾限八個月咨覆土魯番庫車喀喇沙
爾限六個月咨覆其在乾隆三十一年以後登答
各事件俱各遞減三個月咨覆或有行查咨覆仍
按道路遠近將咨查覆到日期聲明扣除如有遲
延仍按違限月日分別議處

查辦檔冊案件限期

八旗查辦檔冊案件於到旗日該管官酌量事務

繁簡勒定期移咨各該衙門派員會同檢查仍
按限查催如有遲延照逾限月日分別議處

推諉事件

內外旗員將已身遲延事件推諉他人者除將該
員照遲延月日處分外因其推諉再罰俸一年若
應辦事件推諉他人者罰俸一年

應結駁查

各旗辦理事件如有將應結之事混行駁查者該

稽察衙門叅奏將承辦官罰俸六個月該管大臣
罰俸三個月

造冊錯誤遺漏

內外旗員造報錢糧文冊並不分晰混行造報以
致款項不符者降一級調用轉報官罰俸一年都
統將軍副都統等罰俸六個月都統將軍副都統
等查出揭叅者將造冊轉報之員議處其造冊內
數目舛錯遺漏者造冊官罰俸一年都統將軍副

都統等及轉報官各罰俸六個月如都統將軍副都統等自行造冊舛錯遺漏者亦罰俸六個月至錢糧文冊舛錯遺漏非闕數目及別項數目舛錯遺漏非闕錢糧者承辦轉報各官均照造冊舛錯遺漏非闕錢糧例議處

內外旗員造冊舛錯遺漏非闕錢糧之案者造冊官罰俸三個月轉報官罰俸一個月

駐防起程違限

遠處駐防官因降調革職亡故懸缺者接任駐防之員限兩個月起身因年老有病告辭者接任駐防之員限三個月起身其近京之直隸河南山東山西等處接任駐防之員限一個月起身其官員在途每日限行六十里如違限一月以上者罰俸三個月兩月以上者罰俸六個月三月以上者降一級調用四月以上者降二級調用五月以上者降三級調用六月以上者革職不及一月者免議

若中途患病及有阻滯難行情由取具該地方官印結報部者免議

告假違限

在京八旗官員有以遷葬修墳扶柩等事往

盛京遊牧地方及近京等處請假併告假前往外省者二品以上有職任大臣自行奏請給假其餘各官該都統出具保結咨明兵部按地方遠近勒限給假入於月底彙題併給與路引前往回日繳銷

若逾限不及十日者免議十日以上者罰俸三個月一月以上者罰俸六個月兩月以上者罰俸一年三月以上者降一級調用六月以上者降二級調用九月以上者降三級調用雖有加級紀錄俱不准抵銷一年以上者革職如有患病阻滯情由取具該將軍都統副都統城守尉等印文或府州縣印結本身帶回免其議處如不請路引牌票圖記私往或雖告假不往所指之處另往他處者革

職至外省駐防各官告假扶柩歸葬該將軍等酌
量程途遠近限定日期報部查核如有逾限照在
京旗員告假違限例分別議處

歸旗違限

滿洲蒙古漢軍外任文武職官遇有事故或裁缺
另補應行歸旗者該員并家口文職限三個月內
武職限四個月內該管官催令起程有驛站地方
日行一站無驛站地方日行五十里若水路相近

省分聽其由水路行走按站數里數扣定到京日期若妄借事故仍居原任地方或潛往他處居住及身雖進京仍留家眷於外者該管佐領驍騎校不行查出呈報者一人降一級二人降二級俱留任三人以上者佐領驍騎校革職領催交刑部治罪叅領副叅領於所屬下有一二人不行查出呈報者罰俸一年三四人者降一級五六人以上者降二級十人以上者降三級俱留任都統副都統

不行查出二人者罰俸三個月三四人者罰俸六個月五六人者罰俸九個月七八人以上者罰俸一年十五人以上者降一級留任

新疆等處赴京引

見官員回任限期

新疆等處及各省駐防赴京引

見武職各官該管大臣等於該員起程時咨報部旗兵部於帶領引

見後知照該旗勒限二十日令該旗催令起程違者叅處

駐防子弟來京

駐防旗人因考試襲職承廕赴選省親等事來京該管將軍都統副都統城守尉等取具本人三代年貌造具清冊咨送該旗再將本人年貌註明出具印文給與本人投遞該旗其隨任子弟有事來京者由任所該父兄造具三代年貌清冊呈請該

欽定四庫全書

欽定八旗通志
卷五十三

三十一

將軍都統副都統城守尉等咨明在京該旗如係武職大員子弟由該父兄造具清冊咨明該旗仍具印文交與本人投送該旗以憑查對其有不候給咨私自來京及領咨潛往他處者係有職銜人革去職銜間散鞭一百如隨任子弟該父兄不為請咨給咨擅令來京者罰俸一年如已將緣由呈明而該將軍都統副都統城守尉等官不給咨文者罰俸九個月至旗人有事來京事畢仍回原處

者呈明在京該旗出咨知照該地方再具印文給
與本人投交該管駐防官以憑查對如有不候給
咨私行回去或領咨潛往他處及已呈明該旗而
該旗官員不給咨文者均照前例議處其旗員緣
事解任仍留任所者如隨任子弟有應行質問事
件由接任官申報該上司咨明該部該旗仍留任
所候質若無質問事件由該地方給咨歸旗倘不
候給咨私自潛回者亦照前例議處

家口歸旗

駐防病故官兵孀婦家口准在該處置立產業毋庸來京至由京補放之員在任病故孀婦家口或願在外居住或願歸旗俱聽其自便其願來京者該管官查明實數出具保結該將軍都統副都統等咨明總督巡撫照例給車核計本省原定車價及程站里數於管驛衙門如數彙行給發令其自行雇覓經由省分亦令首站如前辦理均於照驗

內填註其家口口糧仍移取糧單以便沿途支領
俟到京之日該旗查明報部併將照驗糧單分繳
核銷至已經歸旗人等不准借端告假復回原駐
防處所

違例陳奏

內外旗員陳奏事件如有不係密事妄稱密奏借
公行私將私事具奏者降二級調用其題奏本章
有不應密而密者罰俸六個月

密封事件

在京八旗除傳集在京官員人等照常不用封套
外凡咨行部院衙門及外省一應公文俱加封套
實封如係重大事俱釘封至駐防將軍都統副都
統等陳奏本章關係緊要者將副本揭帖用密封
字樣封固投遞通政司其咨呈各旗各部院衙門
及於所屬官員來往公文係緊要事件亦用密封
以上內外都統將軍副都統等收到緊要密封事

件俱親拆收貯如將應密之事並不密封以致漏洩事機重者降一級留任輕者各罰俸九個月

隱匿

硃批諭旨

官員具摺奏事奉有

硃批諭旨者在京即行恭繳在外於下次奏事之時恭繳若稽遲隱匿不繳者革職至在外各官未及恭繳之先有緣事降革休致病故者於回旗之日或

本身或親屬呈明該旗都統等代為恭繳如隱匿收存從重治罪

遺失引票

遺失出關口引票罰俸三個月仍行補給

傳事印文

八旗傳事印文傳畢之日承辦官即向傳事之人取回銷燬倘不查收致人藉以夜行者將承辦官罰俸兩個月若將預備傳事印文不行嚴查被人

竊去夜行者將承辦官罰俸六個月

封印後用空白印信

八旗衙門封印前一日於空紙及封套上用印記明數目該都統等收貯以備封印後緊要事件填用仍登記檔案開印後將未用者驗明銷燬倘有借端作弊者交刑部治罪該都統等不行詳查罰俸六個月

王等行文用印

諸王貝勒貝子公等有行文該旗事件該長史併
辦理家務之人列名用包衣叅領關防送至該旗
其有行文部院衙門者用包衣叅領關防送至該
旗由該旗用印轉行如長史等不行鈐用包衣叅
領關防仍用白文及該旗將白文接受者俱罰俸
一年

健銳營文移呈明該管大臣轉報

健銳營咨行各處事件該翼長呈明該管大臣查

明轉報如有遺漏該管大臣與轉報官一例議處
馬廠准帶印花印信空白

派往馬廠副都統於起程之前向本旗都統處將
鈐印封套併印紙印花酌量足用數目帶往以備
送京文移及密封具奏事件之用回日將用去件
數開明知照該都統存案刺存若干於都統當面
銷燬倘有遺失者將馬廠副都統罰俸三個月

更改姓名

武官因更改名字咨送者五品以上官員兵部彙題更改六品以下官員兵部據咨更改

議處副叅領副尉及駐防等官通例

外省駐防官員有應行議處案件如例無專條者係將軍都統副都統照在京都統副都統例定議總管副總管城守尉協領叅領防守尉照在京叅領例定議佐領防禦護軍校驍騎校照在京佐領驍騎校例定議其在京副叅領步軍副尉有應行

議處案件如例無專條者係副叅領照叅領例定議係步軍副尉照步軍協尉例定議

謊告襲職

世襲官員革職病故已將族中應襲人保送襲職後被革之人及其妻室故官妻室并伊族人復將不應承襲之人混行告請承襲者俱鞭一百係妻室折贖族人係官降二級調用

承襲世職如有舛錯等弊保結官含糊具保者降

一級罰俸一年

遺漏承襲世職

凡應承襲之世職遺漏未經承襲者承辦官罰俸一年該管大臣罰俸六個月

私用開戶人為官

將開戶之人徇情朦混保送為官者降三級調用擬補之大臣知情者亦降三級調用不知情者罰俸一年

諛送廕監

將不應廕監之人捏稱應行廕監之人送為廕監
或廕監生襲職復行濛混補送廕監或將年歲未
及之廕監生諛稱年歲已及咨送者俱罰俸一年
該佐領驍騎校俱罰俸六個月叅領副叅領俱罰
俸三個月都統副都統俱罰俸兩個月如將應得
廕監之人而該佐領驍騎校不行傳知結稱無人
承廕者罰俸一年遺漏者罰俸兩個月

告病不實

內外三品以下各官及閑散世職有患病者各該管大臣查驗具奏休致王等屬員長史司儀長告病王等行文該旗都統副都統等驗實咨部兵部代題休致典儀以下告病該都統副都統長史等驗實咨部休致係五品以上官兵部彙題開缺六品以下官註冊開缺其各城駐防無大臣統轄之總管城守尉防守尉等官告病呈明兵部解任回

旗俟到旗之日該都統等查驗咨部休致以上告
休各官如有詐稱患病者革職有世職者令應襲
之人承襲若係本人所得世職亦革去其徇情具
報之該管官俱降二級罰俸一年

王等擾累旗下人員

王等擅將旗下人員妄行擾累未經請

旨即行治罪者該都統等奏

聞倘瞻徇隱匿不行奏

聞者降三級調用

欽定八旗通志卷五十三

欽定四庫全書

欽定八旗通志卷五十四

氏族志

古氏族掌於太史戰國之初智果別族為輔氏尚
告諸太史是舊制周末未改也司馬遷作年表王
僧虔謂旁行斜上體仿周譜蓋當時猶見其書然
不隸於官散佚漸盡沿及東漢乃有家牒故李善
文選註引劉歆七畧有子雲家牒之文

謹案牒即牒字亦

無裒合諸族勒為一編者也魏晉以後甄別流品

以門第官人譜學於是乎興焉至於北魏南北氏

族始並見於史籍然各為宗派各有音義彼此不

相假借也明陶宗儀作輟耕錄

謹案宗儀入明最久其間明惠宗即

位詩有老臣忤辭之語是其妄以金源氏族分配顯證以為元人非也今改正

漢姓如完顏曰王古里甲

爾佳曰汪女奚烈

即鈕祜祿

曰郎石抹

即舒穆祿

曰蕭納刺

即納喇

曰康紇石烈

即赫舍哩

曰高蒲察

即富察

曰李兀顏

即烏雅

曰朱顏蓋

即顏札

曰

張散答

克即薩連

曰駱斐滿

莫即費

曰麻溫迪罕

特即溫赫

曰

溫阿里侃

禮即阿哈

曰何阿典

克即阿占

曰雷烏林達

林即烏阿

曰蔡抹顏

燕即穆

曰孟都烈

理即都

曰強幹勒

勒即倭

曰

石溫敦

克即溫

曰宋移刺

喇即伊

曰劉木虎

勒即赫

曰董

奧屯

通即鄂

曰曹阿不哈

楚即韓

曰田尼忙古

瑪即尼

曰

魚孛術魯

都即博

曰魯吾魯

魯即珠

曰惠僕散

薩即布

曰

林烏古論

庫即吳

曰商鑿空杜撰實為無稽之談流

俗相傳又有瓜爾佳姓關舒穆魯姓徐他塔喇姓

唐那木都魯姓南烏扎拉姓吳兆佳姓趙薩克達
姓倉巴雅拉姓白之類沿宗儀餘波尤為乖謬夫
舌人見於周官是譯語從來已久其可考者語言
文字則譯意東觀漢記載白狼王懷德慕德諸歌
是也人名地名則譯音史記載南單于姓孛鞞是
也左傳楚令尹之名稱楚謂乳穀謂虎於菟於有
義可推者尚不改字況姓氏相沿多莫詳其義而
曰某當姓某不亦僣乎古來繙經諸家於佛書僅

譯其語言而賓頭盧維摩詰之類姓名則概不改職是故也我

國家

龍興之初東北諸部率先歸附遼金元之舊姓往往而存其他因地為氏如分於別邑而稱東野因事為氏如生於平旦而稱東方者亦子孫世守雖遷徙而不改其初支派尚一一可考朝鮮密邇邊陲歸為臣僕者世系亦一一能稽漢軍之隸八旗者閱閱

巨族世承爵秩大抵皆譜牒分明更不待論焉我
皇上御極之初

勅修八旗氏族通譜條分縷析叙述備詳近因卷帙稍
繁檢尋未易又恐無識之徒拾陶宗儀之瞽說

特勅廷臣編為輯要一書原原本本既簡且該為古今
姓氏書之最今叙述八旗族系一以是編為宗惟
是編所列氏族凡散居各地者皆標一最著之地
而以等處括其餘今則凡一姓系出數處者皆一

一臚列蓋是編為總括便覽故僅舉大綱今則從志乘之體分詳支派所謂言非一端各有當也至

國姓原始則敬遵

開國方略自為一篇弁冕此門不敢與庶姓並列亦不敢

題綱標目與庶姓同一體裁蓋禮貴尊

尊春秋之大例即古今之通義矣

氏族志一

國姓原始

我

朝肇建丕基始於長白實金源之舊地而

帝系所出則氏族各別受

天眷命預發其祥亦實在金源以前恭考

開國方畧遼瀋極東之地有長白山即山海經之不咸山也高二百餘里綿亘千餘里山上有潭曰闡門周八十里源深流廣鴨綠混同愛濤三江出焉鴨綠江自山南西流入遼東之南海混同江北流入北

海愛渟江東流入東海山川雄厚靈秀斯鍾寶珠
珍石奇木靈藥應候挺生多非人迹所能到其東
有山曰布庫哩山下有池曰布勒瑚里相傳有三
天女長曰恩古倫次曰正古倫季曰錫庫倫同浴
於池有神鵲銜朱果置季女衣試取含之倏已入
腹遂覺似有身告二女曰吾身重不能冲舉矣二
女曰此

天授爾娠俟免身再來未晚也季女尋產一男生而能言

體貌偉異及長母告以朱果之事因命之曰汝姓
愛新覺羅名布庫哩雍順

天生汝以定亂國其往治之汝順流而往即其地也與一
小舟乘之凌虛而去舟順流至河步而止乃登岸
折草木為茵端坐其上是時有三姓爭雄長日構
兵尋讐亂靡由定有取水河步者見而異之歸語
人曰吾適至河步見一男子察其貌非常人也衆
往觀皆以為異詰所自來曰我天女所生天男

天生我以定汝等之亂衆曰此

天生聖人也遂交手昇迎至家奉為貝勒居長白之俄朶

里城

國號曰滿洲是為我

大清建國受姓之始蓋卜世億萬事非偶然地契天
符必有靈異古帝王誕生之瑞載諸史籍及諸子
百家者姑置無論若生民之詩歌於周雅元鳥之
篇載於商頌皆尼山刪定列在經典前聖必無虛

詞後聖必無誤信也以古證今豈不炳然有徵哉
若胙土錫姓自三五以下皆權屬帝王而我

朝錫土錫姓皆由神授尤攝提合雒以來未聞斯事
矣謹恭述原始弁冕氏族志之首信篤承

佑命垂裕無疆其所由來者久也

欽定八旗通志卷五十四

欽定四庫全書

欽定八旗通志卷五十五

氏族志二

八旗滿洲譜系一

完顏氏

凡三十八派一出完顏一出諾圖一出拉哈一出
翁果爾和一出兆佳城一出沾河一出瑚普察一
出馬察一出英額城一出鄂爾渾一出多羅樹村
一出蘇完一出嘉木湖一出吉顏一出興京一出
卦爾察一出牛山一出佛阿拉一出哈達一出喀
拉沁一出牡丹村一出朱舍理一出瀋陽一出斐

悠城一出長白山一出黑山一出漠爾敦一出安圖一出鄭家堡一出扎庫木一出章當一出納音一出輝發一出吉林烏喇一出撫順一出蔡亭一出山塔堡一出尼馬察

謹案完顏為大金國姓我朝誕膺

天命金源族裔久隸八旗舊譜原列第二十八卷中今敬遵

聖諭仿通鑑輯覽明祚既移猶存宏光年號之例仍編於八旗滿洲氏族之首

瓜爾佳氏

凡一百二派一出蘇完一出安褚拉庫一出尼馬察一出瓦爾喀一出嘉木湖一出長白山一出蜚悠城一出輝發一出哈達一出葉赫一出訥殷一出費德里一出虎爾哈一出殷一出烏巴塔城一出

出雅爾湖一出吉陽一出沙晉穆爾吉一出沽一	出噶哈里一出益雞一出松花江一出黑龍江一	出聶爾巴一出佛訥赫一出興堪一出烏費和羅	一出渾春一出嘉通阿一出遼河一出馬察一出	伊蘭倭赫一出卦庫察一出囊武一出尚陽堡一	出綏分一出扎庫塔一出界凡一出瀋陽一出白	都訥一出寧古塔一出佛阿拉一出鐵嶺一出扎	庫木一出佛爾哈一出尼雅滿洲一出輝哈江一	出伊蘇河一出費雅郎阿一出嘉拉庫一出董鄂	一出法爾哈村一出新屯一出塔山拜晉一出吉	顏一出穆溪一出白河一出海蘭一出福城一出	安圖一出台山一出多巴庫一出費德木一出色	欽一出東阿一出佛多理一出爪爾佳一出平原	堡一出拉發一出窪木村一出五姓莊一出赫圖	阿拉一出鞍山一出法沙喇一出法濟城一出吉	林扈倫一出薩哈連倭赫一出石哈斯霸一出五
---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

間房一出鳳凰城一出安巴布爾哈圖一出東一出老寨子一出呼訥赫河一出山答鋪一出布魚泰一出登色村一出嫩河一出吉林烏喇一出安褚拉庫一出哈斯哈村一出費雅達瑪一出商顏和羅一出鄂諾一出殷達渾一出伊麻齊一出西林木倫一出西哈諾爾一出英額一出塔山和羅一出扎庫理一出安巴德普特

鈕祜祿氏

凡二十三派一出長白山一出英額一出安圖爪爾佳一出瓦爾喀一出倭赫法三一出扎庫木一出倭濟一出渾春一出佛阿拉一出輝發一出三虎石一出瓦色一出郎佳誤克托哈達一出德理倭赫一出訥殷一出黑林臺一出鈕祜祿一出哈達一出沙晉倭赫一出瑪爾敦一出陵和羅一出

巴爾達一
出嘉木湖

舒穆祿氏

凡四十二派一出庫爾喀一出朱舍里一出吉陽
一出哈爾敏一出沾一出雅爾湖一出葉赫一出
渾春杜麻湖村一出愛新和羅一出黑龍江一出
沾河一出吉陽麻路河一出虎爾哈一出烏喇一
出伊蘭費爾塔哈一出石霸爾臺一出瑚善察一
出綏分一出呼籲一出訥殷江一出精奇里一出
哲林一出吉林烏喇一出山泰一出哈達一出榆樹溝
發一出佛阿拉一出山泰一出哈達一出榆樹溝
一出訥絡一出松花江一出長白山一出額哲庫
一出渾泰布喇一出松阿里海蘭一出拉門穆瑚
一出羊羔屯一出舒穆一出潘
陽一出殷達渾一出薩爾碧圖

馬佳氏

凡二十九派一出綏分一出馬佳一出穆丹一出
羅山一出嘉木湖一出寧古塔一出嘉理庫城一
出瀋陽一出葉赫一出和羅一出沙濟一出磨
溝一出虎爾哈一出阿拉一出長白山一出輝發
一出沾河一出殷一出尼馬察一出蘇完一出福
爾江阿河一出開原一出哈達一出黑龍江一出
扎林一出抗佳一出佛阿拉
一出吉林烏喇一出黃古屯

棟鄂氏

凡十三派俱系出棟鄂地方因以為姓支派繁
行亦間有入漢軍及內府包衣者同係一族

赫舍里氏

凡五十八派一出都英額一出和多穆哈連一出
齊谷一出哈達一出葉赫一出輝發一出黑龍江
穆理哈村一出烏喇一出沙爾虎一出瓦爾喀一
出札庫木一出塔山堡一出哈爾敏一出長白山
一出赫席黑一出松花江一出白河一出赫舍里
一出特分一出黑龍江一出雅蘭一出佛阿拉一
出馬察一出綏分一出福爾建哈達一出訥殷江
一出諾爾一出瑚善察一出胡蘭一出渾春一出
雅爾湖一出吉林烏喇一出渚野一出尼馬察一
出德得合村一出雅哈和羅一出阿庫里一出拖
克索村一出阿克坦村一出錦州一出果爾敏街
一出額爾敏一出白都訥一出費爾塔哈村一出
蜚悠城一出察哈爾一出象山一出何殷村一出
石巴爾臺一出完顏一出索倫一出庫庫奇特一
出山端村一出蘇完哈達一出恭伊路一
出努尼村一出錫拉穆倫一出巴喇雅村

他塔喇氏

凡十六派一出札庫木一出安褚拉庫一出訥殷
江一出瓦爾喀一出寧古塔一出長白山一出馬
察一出扎克丹一出沾河一出烏喇一出烏蘇一
出伊蘭木一出海州一出薩爾湖一出十方寺一

出吉林
烏拉

伊爾根覺羅氏

凡十三派一出穆溪一出葉赫一出嘉木湖一出
興堪一出撒爾湖一出呼訥赫一出雅爾湖一出
烏喇一出瓦爾喀一出松花江一出
出阿庫里一出佛阿拉一出哈達

舒舒覺羅氏

凡四十五派一出葉赫一出哈達一出伊爾哈一
出來碧村一出西占和羅一出長白山一出佛阿
拉一出扎庫木一出訥殷江一出烏英額一出胡
魯村一出尼雅木尼雅庫城一出英額一出倫尼
一出宜爾海一出雅爾瑚一出和多穆哈連一出
薩克蘇和羅一出羅里一出東山一出嘉木齊村
一出東安一出三姓一出達爾渾一出扎喀一出
輝發一出翁鄂絡城一出鄂爾渾一出佛多渾一
出綏分一出特順一出訥殷一出烏喇一出烏蘇
一出喇發一出安圖一出額爾敏一出赫門一出
蜚悠城一出舒赫德一出薩哈爾察一出
蘇完一出塔山堡一出馬佳村一出完顏

西林覺羅氏

凡十五派一出汪泰一出尼馬察一出哈達一出
訥圖村一出瓦爾喀一出吉陽一出長白山一出

佛阿拉一出呼納赫和羅薩克察一出扎庫木一出輝發一出宅閑烏喇一出烏喇哈達一出宅閑

華漢一出庫倫達巴漢

通顏覺羅氏

系出雅爾瑚

阿顏覺羅氏

凡十派一出葉赫烏蘇村一出額爾敏一出瓦湖木一出赫圖阿喇一出費雅郎阿一出福齊希美佛赫一出西占和羅一出葉赫一出大郎村一出東

呼倫覺羅氏

凡五派一出黑龍江一出福爾哈
一出俄謨和一出葉赫一出輝發

阿哈覺羅氏

凡十八派一出松花江一出長白山一出哈達一
出輝發一出葉赫一出俄謨和鄂多里一出九爾
喀一出佛阿拉一出渾托和河一出薩哈爾察一
出連刀灣一出葉赫勒一出綏分一出俄多里一
出香山一出倭濟
一出東安一出沾

察喇覺羅氏

系出長
白山

佟佳氏

凡三十派一出馬察一出雅爾湖一出加哈一出
佟佳一出長白山一出勒福屯一出哈達一出薩
木占一出扎庫木一出把爾達一出費德里一出
土木屯一出佛阿拉一出烏喇一出俄漢和蘇魯
一出訥殷一出安圖河一出葉赫一出鄂爾順一
出殷登一出東安一出薩哈爾察一出輝發一出
黑龍江一出伊爾哈和羅一出嘉木湖一出哈
爾敏一出貝登一出吉林烏喇一出白都訥

那木都魯氏

凡十一派一出那木都魯一出綏分一出渾春一
出長白山一出薩蘭一出瓦爾喀一出哈達一出
倭濟一出倭赫一出
出烏喇一出遼陽

納喇氏

凡三十九派一出葉赫一出烏喇一出哈達一出
輝發一出伊巴丹一出張一出費德里一出尼馬
察一出老寨子一出吉林烏喇一出長白山一出
遼陽一出易州一出葉赫勒一出科爾沁一出伊
蘭費爾塔哈一出嘉木湖一出撒爾湖一出松山
一出阿庫里尼滿一出噶哈里一出那木都魯一
出扎庫木一出清河一出布爾哈圖城一出布爾
哈圖一出董鄂一出米山一出舍里一出佛阿拉
一出蘇完一出德庫一出潘陽一出齊齊哈爾一
出鎚刀把一出黑山一出額爾敏一出雅爾湖一
出和

索

富察氏

凡六十三派一出沙濟一出葉赫一出額宜湖一
出扎庫塔一出蜚悠城一出訥殷一出額赫庫倫

欽定四庫全書

卷五十五

一出訥殷江一出吉林烏喇一出長白山一出塞
音納殷一出輝發一出席百一出卦爾察一出岳
克通鄂城一出馬察一出綏分一出嘉木湖一出
沙晉和羅一出蘇完一出打牲烏喇一出黑龍江
一出界凡一出伊蘭費爾塔哈一出虎爾哈一出
哈達一出噶哈里和羅舍林村一出那丹雅哈一
出登伊爾哈一出尼雅木山一出多渾一出雅哈
一出冲鄂濟巴布一出多爾吉一出烏喇一出阿
庫里一出富察一出撫順一出塔山堡一出瓦爾
喀一出遼河一出那木圖一出塔達一出瀋陽一
出英額一出伊拉里一出黑山一出哈思湖一出
松花江一出鳳凰城一出巴濟一出扎克丹一出
舍里一出哈什馬和羅一出囊武一出吉陽一出
德里倭赫一出完顏一出齊賓哈達一出白都訥
一出費達木一出公
村一出塔克什城

叩德氏

系出
葉赫

吳雅氏

凡十派一出哈達一出德爾吉穆湖一出葉赫齋
谷一出烏喇一出哈克三一出長白山一出吉林
烏喇一出訥殷一出白
都訥一出烏喇哈達

戴佳氏

凡六派一出杭佳一出葉赫一出扎庫木
一出喀什馬和羅一出東林屯頭一出殷

兀扎喇氏

凡二十二派一出烏喇一出薩哈爾察一出黑龍
江一出虎爾哈一出依克賽一出爪爾拜一出葉
赫一出卦爾察一出瓦丹一出松花江一出瀋陽
一出蓋山村一出哈達一出輝發一出渾同一出
洪口村一出朱理雅拉一出寧古塔一出蓋津
村一出鄂漠一出巴特海蘇蘇一出薩木占

兆佳氏

凡三十三派一出瑚善察一出額爾敏一出訥殷
江一出界凡一出佛阿拉一出嘉木湖一出馬察
一出東一出覺禪一出烏喇一出東安一出扎庫
木一出雅爾湖一出赫圖阿拉一出葉赫一出長
白山一出揚古屯一出沾河一出兆佳城一出英
額一出呼訥赫一出蘇完一出輝發一出黑龍江
一出渾春一出綏分一出十里河一出小北門一
出八間房一出吉林烏喇一出道堪一出李佳和

一出
俗濟

郭絡羅氏

凡六派一出沽河一出白河一出布勒
德一出郭絡羅一出馬察一出訥殷

顏扎氏

凡十六派一出雅蘭西楞一出葉赫一出法庫一出
阿古喇河一出吉顏一出長白山一出扎庫木
一出登伊爾哈一出雅爾湖一出舍里村一出和
多穆哈連一出渾春一出庫爾哈一出烏喇一出
吉林烏喇一出
薩爾碧圖

碧魯氏

凡九派一出葉赫一出松花江一出烏喇哈達一出烏喇一出扎庫木一出黑龍江一出伊蘭新泰一出愛新哈達一出哈達

李佳氏

凡二十三派一出扎庫木一出李佳和羅一出長白山一出李佳村一出界凡一出瀋陽一出德爾吉色欽一出葉赫一出瓦爾喀一出舒舒一出佛阿拉一出薩木察一出雅爾湖一出馬察一出絡河一出那木都魯一出黑龍江一出鄂爾坤一出安褚拉庫一出赫圖哈拉一出壁爾根扎塞一出狼山一出輝發

黃佳氏

凡四派一出貝潭山泰一出訥
音江一出寧古塔一出佛阿拉

烏扎庫氏

凡四派一出噶哈里一出綏分
一出倭濟石一出薩哈爾察

錫克特理氏

凡九派一出卦爾察一出松花江一出伊蘭費爾
塔哈一出錫喇河一出葉赫和多穆哈連一出卦
爾佳一出黑龍江一出
訥音一出吉林烏喇

庫雅拉氏

凡十二派一出興堪村一出洪鄂村一出綏分一
出渾春一出烏喇一出烏蘇里一出瀋陽一出黑

龍江一出虎爾哈一出溥野河一出
吉林烏喇一出福爾建哈達

薩克達氏

凡三十九派一出薩克達一出寧古塔一出那木
都魯一出阿庫里河一出吉林烏喇一出吉顏一
出烏喇一出扎庫木一出阿爾喇一出德里倭赫
一出哈達一出葉赫一出卦爾察一出發訥哈一
出訥殷一出薩克察一出輝發一出長白山一出
布爾哈一出赫圖阿喇一出葦漢輝河一出黑龍
江一出德林村一出馬察一出和羅一出沽河一
出瑚善察一出羅里一出阿爾喇一出額和河一
出阿庫里一出尼馬察一出薩哈爾察一出雅爾
瑚一出布爾渾一出瓦爾喀一出倭訥赫村一出
瀋陽一出
薩克蘇

賽密勒氏

凡八派一出薩哈爾察一出黑龍江一出長白山
一出齊齊哈爾一出明安村一出蓋金蘇蘇一出

索林村一出
出松花江

精奇哩氏

凡二派一出精奇哩
烏喇一出黑龍江

扎庫塔氏

凡十四派一出瓦爾喀一出噶哈里碧漢額里村
一出薩齊庫哈達一出和克通吉一出噶哈里一
出松花江一出扎庫塔一出尼雅雅新村一出嘉木
湖一出長白山一出博爾屯博欣村一出伊拉富

村一出卦爾察
一出克什克城

烏蘇氏

凡十五派一出瓦爾喀一出訥殷一出海蘭一出
長白山一出安褚拉庫一出烏喇一出蘇穆一出
葉赫哈達一出瓦爾喀海蘭一出西林穆魯一出
烏蘇一出德爾吉色欽一出蜚悠城一出海蘭瓦
爾喀什一出
吉林烏喇

巴雅拉氏

凡二十派一出松花江一出虎爾哈一出木倫一
出卦爾察一出法爾圖一出黑龍江一出長白山
一出倭濟一出扎庫塔一出庫穆努一出寧古塔
一出伊蘭費爾塔哈村一出烏丹村一出烏塞理

一出庫穆圖一出綏分一出庫爾喀一出
巴顏和羅一出王多羅樹一出瓦爾喀

輝和氏

凡五派一出長白山一出尼馬察一出
烏喇一出烏喇布倫村一出輝發

魯布理氏

凡四派一出葉赫一出烏
喇一出綏分一出長白山

尼瑪察氏

凡十一派一出尼瑪察一出渾野一出拉發一出
黑龍江一出吉林烏喇一出訥殷一出管一出鳳
凰城一出長白山一出綏
分一出烏蘇里庫雅拉

伊爾庫勒氏

凡五派一出諾羅一出虎爾哈一出
迺明村一出寧古塔一出吉林烏喇

章佳氏

凡二十六派一出費雅即阿一出馬爾墩章佳一出
宜漢阿拉一出古倫村一出巴爾都城一出馬
察一出長白山一出輝發一出嘉木湖一出哈達
一出虎爾哈一出扎庫木一出烏喇哈達一出牡
丹村一出訥殷一出赫濟河一出艾家堡一出吉
林烏喇一出費揚寧一出俄穆和蘇魯一出蘇完
一出葉赫哈達一出遼河一出
鐵嶺一出蓮花村一出和森木

寧古塔氏

凡八派一出寧古塔一出綏分一出訥殷一出虎爾哈一出和佟吉一出倭濟一出薩魯城新村一
出哈達

薩哈拉察氏

凡六派一出伊蘭費爾塔哈村一出烏喇綏哈村
一出薩哈拉察一出黑龍江一出貝德墨一出白
都訥

嵩佳氏

凡五派一出棟鄂一出松江堡一出
瓦爾喀錫一出長白山一出哈達

宜特墨氏

凡五派一出葉赫一出葉佛訥赫村一出
尼雅滿湖一出哈達一出伊祿誠嘉澤村

扎思瑚理氏

凡四派一出卦勒察和倫一出吉
林烏喇一出喇發村一出白都訥

瑚什哈理氏


凡六派一出瑚什哈理一出伊蘭費爾塔哈村一
出卦勒察一出寧古塔一出藩陽一出吉林烏喇

喜塔臘氏

凡十五派一出尼雅滿山一出瓦爾喀一出長白
山一出益吉一出扎庫木一出蜚悠城一出董鄂
一出一堵牆一出大凌河一出葉赫一出瓦喀
蘭一出夸喇一出富克順一出權州一出輝發

秦楚魯氏

凡二派一出渾
春一出音楚



欽定八旗通志卷五十五

欽定四庫全書

史部

欽定八旗通志卷

五十六至
五十八

欽定四庫全書

欽定八旗通志卷五十六

氏族志三

八旗滿洲譜系二

性佳氏

凡七派一出貝勒山秦一出英額一出長白山
一出穆爾察氏一出鄂爾察氏一出馬察一出哈達

穆爾察氏

凡四派一出綏分一出瓦爾喀
一出黑龍江一出渾春

費莫氏

凡十三派一出蜚悠城一出布爾哈圖一出薩齊
庫一出長白山一出瓦爾喀一出輝發一出寧古
塔一出蕪完一出馬察一出喇發
一出木城一出巴發一出七奇里

索佳氏

凡十三派一出鄂爾坤一出吳爾湖一出俄漠和
一出界凡一出薩爾湖一出俄漠和索羅一出蘇
完一出吉林烏喇一出馬兜墩一出長白
山一出大凌河一出輝發一出托米屯

薩馬爾吉氏

凡六派一出虎爾哈河布爾哈村一出松花江
一出虎爾哈一出索倫一出烏蕪河一出瀋陽

齊佳氏

凡二派一出葉
赫一出齊佳營

葛濟勒氏

凡十二派一出雅蘭一出綏分一出和通吉一出
寧古塔一出穆湖一出黑龍江一出那穆都魯一
出布爾哈一出倭濟一出渾
春一出庫爾喀一出托克索

哲爾濟氏

凡二派一出尼馬
察一出吉林烏喇

索綽絡氏

欽定四庫全書

卷五十六

凡八派一出輝發一出吉林一出葉赫一出訥殷
一出烏喇一出和多穆哈連一出老寨子一出索

絡綽

鄂卓氏

凡八派一出葉赫一出輝發一出黑龍江一出哈
達一出牙克薩城一出烏喇一出英額一出三姓

鈕赫勒氏

凡六派一出沙濟一出安褚拉庫一出英
額一出輝發一出卽佳一出鈕赫阿林

鄂濟氏

凡九派一出葉赫一出松花江一出黑龍江一出
烏喇一出哈達一出輝發一出吉林烏喇一出尼

馬察一出
穆納哈達

裕瑚魯氏

凡十一派一出裕瑚魯一出虎爾哈一出長白山
一出訥殷一出黑龍江一出塔思哈河一出洪科
一出安褚拉庫一出烏喇一
出吉林烏喇一出英額和羅

布爾察氏

凡二派一出阿庫
里一出虎爾哈

伊拉理氏

凡二十二派一出烏喇一出業赫一出殷一出斐
悠城一出德爾吉河一出訥殷江一出哈爾敏一

出赫石一出滿陽一出輝發一出長白山一出倉
一出虎爾哈一出阿喇一出吉林烏喇一出扎庫
塔一出英額一出多爾吉河一出哈達一
出葉赫哈達一出卦爾察一出赫舍里河

呼爾哈氏

凡五派一出呼爾哈一出新達漠城
一出席百一出蘓完一出白都訥

蘇佳氏

凡六派一出葉赫一出尼雅滿一出扎庫
木一出德里倭赫一出黑龍江一出訥殷

溫徹亨氏

凡二派一出烏
喇一出葉赫

哲爾德氏

凡六派一出界凡一出烏喇一出哈達一出
烏喇哈達一出長白山一出板城寨子村

溫察氏

凡三派一出葉赫一出
出輝發一出烏喇

額蘇哩氏

凡八派一出黑龍江一出馬察一出德爾吉一出
王佳村一出那木都魯一出蜚悠城一出齊齊哈
爾一出
松花江

烏魯氏

凡四派一出烏喇一出葉赫
一出阿庫里一出扎庫木

覺禪氏

凡七派一出烏蘓里一出佛阿拉一出扎庫木一
出貝渾山秦一出長白山一出扎庫塔一出山秦

阿林

科齊理氏

凡三派一出瓦爾喀一出
德爾吉阿里一出阿庫里

巴爾達氏

凡二派一出巴爾
達一出蜚悠城

尼沙氏

凡二派一出尼沙
一出那木都魯

托活囉氏

凡十五派一出黑龍江一出虎爾哈一出烏喇一出葉赫一出喀木屯一出蘓完一出薩哈爾察一出阿庫里河一出哈達一出松花江一出胡魯色一出長白山一出吉林烏喇一出愛湖一出碧爾
坤蘓
蘓

阿穆魯氏

凡二派一出伊蘭費爾
塔哈村一出黑龍江

索爾多氏

系出烏喇
博爾濟城

俞爾庫勒氏

凡三派一出諾羅一出
松花江一出黑龍江

滿扎氏

凡二派一出庫
察一出葉赫

烏色氏

凡六派一出葉赫一出長白山一出吉林烏
喇一出兀爾喀一出佛阿拉一出松花江

佑祐魯氏

凡九派一出英額一出佑祐魯穆湖舒村一出嘉
木湖一出松花江一出虎爾哈一出哈達一出烏
喇一出輝發
一出寧古塔

圖色理氏

凡十一派一出黑龍江懋塔哈村一出薩哈爾察
一出沙濟一出黑龍江阿克底村一出渾春一出
黑龍江一出尼馬察一出黑龍江穆理喀
村一出安巴西穆訥一出瀋陽一出錦州

溫特赫氏

凡三派一出朱舍里一
出吉陽一出莽喀庫魯

梅勒氏

凡二派一出葉
赫一出哈達

博和理氏

凡四派一出黑龍江一出愛
湖一出白都魯一出渾春

鈕顏氏

系出
葉赫

烏爾古宸氏

凡三派一出木楞一
出訥殷一出瓦爾喀

扎拉理氏

凡五派一出瓦爾喀一出那木都魯
一出烏喇一出倭哲一出扎庫木

溫都氏

凡十九派一出訥殷江一出綏分一出黃泥窪一
出渾春一出沾一出馬察一出瓦爾喀一出吳蘓
里一出蘓蘓里烏喇一出倭濟一出吉陽一出阿
庫里一出沙濟城一出訥殷一出瑚秦村一出長
白山一出吉林烏喇
一出蘓完一出嫩河

蒙古爾濟氏

系出

葉赫

欽定四庫全書

卷五十六

阿禮哈氏

凡二派一出和通吉

郭思屯一出瓦爾喀

蘇都理氏

系出黑龍江

奇塔喇氏

凡六派一出松花江一出雅爾湖一出佛多爾家
一出瓦爾喀蜚悠城一出約克化城一出科普喀羅

鄂托氏

凡三派一出赫圖阿拉
一出葉赫一出烏喇

洪吉理氏

系出
葉赫

墨爾哲勒氏

系出松
花江

索齊勒氏

凡四派一出吉林烏喇一出
吉林一出松花江一出葉赫

托謨氏

凡八派一出伊巴丹一出塔山堡一出哈達一出
黑龍江一出葉赫一出齊齊哈爾一出努克特勤

一出

蘓完

湯務氏

凡三派一出哈達一出
長白山一出烏喇哈達

都拉喇氏

凡二派一出吉林
烏喇一出黑龍江

墨爾迪勒氏

凡四派一出黑龍江一出寧古
塔一出穆湖一出商顏倭赫

喀爾達蘇氏

凡三派一出烏喇一
出黑龍江一出索倫

赫舒理氏

凡三派一出哈達一
出松花江一出虎欄

輝羅氏

凡三派一出松花江
一出輝發一出烏喇

濟禮氏

凡二派一出長
白山一出砮宜

烏爾漢氏

系出
遼河

赫宜氏

凡三派一出舒勒赫一
出乜昂阿一出錦州

扎蘓理氏

凡二派一出卦勒
察一出白都訥

拜都氏

系出
葉赫

賴布氏

凡二派一出扎庫
木一出佛阿拉

布賽氏

凡三派一出葉赫一出
薩哈爾察一出輝發

噶努氏

凡二派一出噶碩
克村一出噶努山

烏蘓占氏

系出瓦爾喀
什海蘭河

尼奇理氏

凡四派一出烏喇一出渾春
一出德爾吉倭濟一出蘓發

鄂謨施氏

系出尼
馬察

董佳氏

凡五派一出嘉木湖一出嘉哈一
出董佳城一出渾春一出哈達

阿克占氏

凡三派一出哈達一
出葉赫一出蘓完

葉穆氏

凡四派一出葉赫一出赫爾蘇一出尼馬察一出哈達

喀爾拉氏

凡三派一出遼河一出葉赫一出白都訥

薩克察氏

凡四派一出綏分一出尼瑪察一出渾春一出德爾吉色欽虎爾哈

烏爾答氏

凡三派一出葉赫一出吉林烏喇一出輝發

圖克坦氏

凡三派一出吉林烏喇一
出蘄完一出布爾哈圖

郭爾佳氏

凡三派一出長白山一出安
巴德普特布占台一出嫩河

洪鄂春氏

凡六派一出伊漢阿林屯齊村一出雅蘭
一出綏分一出倭濟一出沾河一出輝發

額爾圖氏

凡四派一出敦達敦一出黑龍江
一出額爾圖村一出明安額爾圖

彰錦氏

凡十派一出費雅郎阿一出沾一出穆溪一出長白山一出那木察一出瀋陽一出輝發一出烏喇一出撫順一出那木都魯

聶格理氏

凡二派一出葉赫一出輝發

楊佳氏

凡十一派一出佛阿拉一出尼馬察一出虎爾哈一出倭濟一出哈達一出楊禪一出松山一出蜚悠城一出赫濟赫一出白都訥一出吉林烏哈

洪鄂氏

凡十一派一出長白山一出吉林一出哈達一出
葉赫一出葉赫哈達一出洪鄂哈達一出佳木秦
一出額爾敏一出雅爾湖
一出烏喇一出白都訥

賢達禪氏

凡二派一出松花
江一出賢達禪

赫錫赫理氏

凡三派一出烏喇一
出尼馬察一出嫩奈

庫穆圖氏

凡三派一出倭濟愛滿一
出那木都魯一出哈達

康儀理氏

系出費爾
塔哈村

額爾吉氏

系出薩
哈爾察

舒墨理氏

凡二派一出沽
河一出烏喇

錫克濟拉氏

系出黑
龍江

德敦氏

系出黑
龍江

珠格氏

凡三派一出烏喇一出
寧古塔一出薩哈爾察

卦勒察氏

凡四派一出卦勒察一出長白
山一出吉林烏喇一出扎庫木

多爾袞氏

凡二派一出愛
湖城一出索倫

洪佳氏

凡二派一出烏喇
一出長白山

孟佳氏

凡三派一出郎爾羅斯
一出伊巴丹一出渾春

克音氏

凡四派一出黑龍江一出色
欽一出烏拉一出努克特勤

明安氏

系出
界凡

烏禮蘓氏

凡三派一出齊齊哈爾
一出黑龍江一出輝發

薩哈爾濟氏

凡二派一出葉赫
一出白都訥

尼竺渾氏

系出長白山

武爾格齊氏

系出葉赫

瑚玉魯氏

系出

烏喇

和和齊氏

系出尼

馬察

塔穆察氏

系出黑

龍江

夸爾達氏

系出

哈達

德都勒氏

系出德
都勒

愷顏氏

系出
愷顏

珠爾蘓氏

系出安
褚拉庫

綽克秦氏

系出綽
克秦

安達拉氏

系出黑
龍江

愛渾氏

系出
愛渾

海拉蘇氏

系出海
拉蘇臺

烏靈阿氏

系出
巴林

圖門氏

系出
烏喇

勒第氏

系出黑
龍江

克爾德氏

系出
烏喇

哲栢氏

系出漢
楚哈

圖普蘓氏

系出
葉赫

托爾佳氏

系出齊
齊哈爾

格格氏

系出黑
龍江

韓扎氏

系出巴
龍和羅

穆察氏

系出那
木都魯

多羅氏

系出
葉赫

褚庫爾氏

系出褚
庫爾村

武聶氏

系出薩
哈爾察

郭爾本氏

系出黑
龍江

圖克敦氏

係出達
呼里

葉庫理氏

係出虎
爾哈

哲理氏

係出
哈達

組佳氏

系出
鐵嶺

唐達氏

系出科
普沁

卓克佳氏

系出雅
爾湖

崇果魯氏

系出崇
果魯

墨爾齊氏

系出
烏喇

瓦理氏

系出黑
龍江

蔡佳氏

系出賁爾
塔哈村

克葉勒氏

系出吉
林烏喇

富爾庫魯氏

系出松

花江

萬疏哈氏

系出

清河

穆燕氏

系出

渾春

都善氏

系出黑

龍江

拜格氏

系出拜
格山

阿圖拉墨氏

系出雅
爾湖

賽音薩爾圖氏

系出扎
魯特

穆和林氏

系出穆
和林

蒙鄂索氏

凡七派一出瓦面河一出長白山一出渾春一出拉發一出沾河一出訥殷江一出瓦爾喀

薩察氏

凡二派一出瓦爾喀一出渾春

錫墨勒氏

凡五派一出渾春庫爾喀一出輝河一出渾春一出拉門穆湖一出三姓

劉佳氏

凡八派一出李佳和羅一出瓦爾喀一出烏喇一出喀爾沁一出輝發一出新屯一出扎穆訥一出

江松花

果爾吉氏

凡五派一出鄂絡羅河一出吉林烏喇一出哈達一出白都訥一出烏喇

武佳氏

凡五派一出烏喇一出索倫一出費達木村一出五間房一出吉林烏喇

佟鄂絡氏

凡三派一出扎庫塔一出巴顏烏喇一出當務理

郭佳氏

凡五派一出蕪完一出益川一
出爪圖理一出哈什一出輝發

梅赫理氏

系出那
木都魯

瑚錫理氏

凡五派一出葉赫和多穆哈麻一出虎爾哈
一出瓦爾喀一出卦爾察渾春一出白都訥

蒙古楚氏

凡四派一出烏喇蒙古楚山一
出葉赫一出瀋陽一出烏喇

崇古喇氏

凡四派一出烏喇一出虎爾哈一出瓦爾喀一出訥殷

額爾赫氏

凡四派一出綏分一出尼爾吉一出黑龍江一出愛渾

布雅穆齊氏

凡三派一出噶哈里一出吉陽一出黑龍江

都理氏

凡四派一出瑪察一出德都里一出德敷村一出黑龍江

倭勒氏

凡三派一出齊齊哈爾
一出烏喇一出黑龍江

尼陽尼雅氏

凡二派一出費達
木村一出黑龍江

專塔氏

系出尼
馬察

布達喇氏

系出松
花江

欽定八旗通志卷五十六